

# As up en anner Steern

In de verleden Dagen bün ik daar in 't Internet över strumpelt: En Överschrift, de sowat seggen dee as „Wo Se ok in Corona-Tieden en mooi Gebuursdag fieren“. Herrijegget! Sowat! De Henwiesen in de Artikel wassen för de Stadt Hambörg docht, man ik hebb mi de denn ok ankeken. Ja, de Ideen kunnen sük sehn laten!

Hier sünd nu en paar van disse Vörslagen: Een kann keiern gahn in een van de mooiste Parkanlagen, de Hambörg so to beden hett.



Antje Lübben

Een kann sük wat an Eteree of Drinkeree na Huus bestellen of an en besünner Stee sülvst ofhalen: De grote Frühstück-Box, Sushi of japaanske Nudels, en gode Buddel Roodwien of de leckerste Koffje van de hele Stadt. Butendeem kann een en Online-Porzellaan-Maalkurs besöken un Koppkes, Bekers of Blö-

menvasen anmalen. Kiek an!

Mien runde Gebuursdag full natürelk nett in de harde Nördernee-Ultra-Lockdown, in de wi hier up dat Eiland ok nu noch sitten. Wo harr 't ok anners wesen kunn. Kieneen ut en anner Huushollen dürs up Visiet komen. Kieneen. Dat froor an de Dag Backstenen, man de Sünn strahlde daar tegen an. Wi hebben mooi tohuus an de Frühstückstafel seten, Stuuatjes eten un de beste Koffje van dat hele Eiland drunken.

Ja, wenn een in de Nördernee-Ultra-Lockdown Gebuursdag hett, denn dürt d'r mörgens ok maal en Kann Koffje up de Tafel stahn. Nahderhand hebb ik de Geschenken utpackt. Mien Familie un mien leve Frünnen harren mi wat to lesen un to wohlföhlen stüürt. Ok en Kleed hebb ik van mien Leevsten schuncken kregen. Denn hebben mien Mann un ik de Kinner anplünnt un sünd heel na de Inseloosten henfahren. De Führtorn hebben wi uns ankeken un wi sünd an de Waterkant langlopen.

## KOLUMNE

Moin, Moin  
**Schrievers** moje  
allerbest Sprak hoop  
Pläseer Vertellsel  
Smüstern

## Platt maakt

As up en anner Steern kwamm ik mi för. Dat was stuur, daar överhoopt een to finnen, de en Foto van uns maken kunn. So eenzaam was dat daar. Wi hebben well funnen. Nu können wi Biller van en wunnermooi Gebuursdag bi Sünnchien an d' Strand wiesen. Porzellaan hebb ik an mien Gebuursdag neet online anmaalt. Dat hebb ik al maal offline in dat Teemuseum van Nörden maakt. Umdat mi dat domaals so good gefallen hett, kann ik nu ok wachten, bit dat Museum weer openmaakt. Denn mell ik mi an un maal daar eenfach up los.

Lecker Kook hebben wi namiddags ok eten. Klaar! Mooi Porzellaan hebben wi ja al.